

Budsjettforslag idrett i Alver 2021 - Økonomiplan 2021-20255

Alver kommune – tildeling 2020

Det er vanskeleg å ha full oversikt over kor mykje midlar som går til idretten totalt sett. Idrettsrådet har gjeve tilråding når det gjeld tilskotsmidlar og idrettsstipend. Midlar til drift/vedlikehald av kommunalt eigde idrettsanlegg og ymse leigeavtalar går av andre budsjettpostar og er vanskeleg å vurdere for idrettsrådet.

Utfordringane med årets tildeling har vore å finna kriterier for tildeling som i minst mogeleg grad får uheldige verknader for laga. Tildelingane i dei tre tidlegare kommunane hadde ulike kriterier for tildeling av midlar. For Meland og Radøy var dei i store trekk like, medan Lindås hadde noko annleis kriterier. Driftstilskote var her større og hadde ein annan profil, og dei hadde ikkje tildeling av midlar til vedlikehald/drift av privat eigde anlegg. For å kunna utjamna dett så godt som mogeleg måtte resultatet vert at nokon fekk mindre midlar totalt sett enn dei hadde fått tidlegare. Dette sjølv om det totalt sett var litt meir midlar til rådvelde.

Idrettsrådet fekk såleis ein krevjande jobb med utjamning, slik at verknadane skulle bli minst mogleg for laga.

Anlegg eigd av kommune, men der idrettslag har drifta

Nye avtalar om drift/vedlikehald er under utarbeiding. Alle gamle avtalar er avslutta. Det er såleis særleg vanskeleg for idrettsrådet å vurdere kva midlar som trengs her og me må eventuelt komma attende til det når nye avtalar vert oppretta.

Idrettsrådet føreset at desse oppgåvene vert dekkja utanfor idretten sitt budsjett

Idrettsrådsgjevar

Alver idrettsråd er særleg nøgd med at Alver kommune har tilsett idrettsrådsgjevar, som kjem i funksjon i august 2020. Alver har mange idrettslag og stor aktivitet. Dette vil krevja ein stor administrativ innsats, og idrettsrådet ser fram til å samarbeida med idrettsrådsgjevaren.

Budsjett 2021 - framlegg

1.Kulturmidlar /driftsmidlar

Tildeling for 2020: kr. 1.791.650,-

Tilskotet er særleg viktig for laga. Det fører til auka tilbod og med det større aktivitet. Grunna utjamning fekk nokre av laga mindre enn tidlegare, og idrettsrådet gjer framlegg om å auka denne posten noko for 2021.

Framlegg til budsjett for 2021: kr. 1.900.000,

3. Drift/vedlikehald private anlegg

Tildeling for 2020: kr. 1.080.850,-

For Meland og Radøy, som stort sett har privateigde anlegg, har denne ordninga gjort at laga har makta å halda sine anlegg i rimeleg god stand. Lindås har ikkje gjeve slik anleggsstønad, då dei aller fleste anlegga er kommunalt eigde. Dette gav store utfordringar ved årets tildeling, då og lag frå tidlegare Lindås kom med i ordninga. Nokre av laga i tidlegare Meland og Radøy fekk såleis mindre enn førre år.

Tidelinga byggjer på eit utarbeidd opplegg med vekting i forhold til anleggskategori. Grunnlaget for tilskot er at laga skal vera i stand til å vedlikehalda/drifta anlegga på ein tilfredsstillande måte.

Grunnlaget for tildeling av tilskot byggjer på innhenta tal frå Kirke- og Kulturdepartementet og på erfaringstal for drifts-/vedlikehaldsutgifter i vårt område. For å kunna halda god standard på anlegga krevst det og mange dugnadstimar kvart år.

For t.d. fotballbaner syner erfaringstala at dei årlege kostnadene kan variera frå år til år, alt etter både vertilhøve og kva tiltak som må gjennomførast med ulike mellomrom. Det gjeld både vatning, lufting/tilføring av sand og resåing. Noko av dette arbeidet vert leigd, då innkjøp av maskiner er særskild dyrt i høve brukstida. Idrettsindeksen syner at Alver i 2018 hadde 4 grasbaner, 10 kunstgrasbaner, 3 grusbanner (11-ar baner), 2 grasbaner (7-ar baner) og 3 kunstgrasbaner (7-ar baner). For andre anlegg har me ikkje tilsvarende tal, men byggjer budsjettet på erfaringstal frå dei laga som har anlegg.

Framlegg til budsjett for 2021: kr. 1.300.000,-

Drift/vedlikehald av kommunale anlegg kjem i tillegg.

4. Kultur – prosjekt- og aktivitetstilskot

Tildeling 2020_ kr. 127.500,-

Det er utarbeidd retningslinjer for ordninga. Tilskotet er viktig for mindre investeringar og opprustingar

Framlegg til budsjett 2021: kr. 150.000,-

4. Idrettsstipend m.m

Tildeling idrettsstipend 2020: kr. 60.000,-

Alle kommunane har litt midlar på budsjettet til slike føremål.

Framlegg til budsjett for 2021: stipend til leiarar, utøvarar m.m. kr.100.000.-

Samla totalsum Kr. 3.500.000,

Økonomiplan 2021-2025

Idretten i Alver kommune engasjerer mange og det har dette året vore etablert to nye lag.

Mest 1/3 av innbuarane i kommunen er medlem av eit idrettslag. Aktiviteten er omfattande og har stor betydning både idrettsleg, sosialt og for folkehelsa i kommunen.

Det er lagt opp til utarbeiding av ein idrettsplan for kommunen, og denne vil vonaleg gje god dokumentasjon for trongen for auka innsats.

Alver idrettsråd gjer framlegg om at økonomiplanen legg opp til ein årleg auke for idrettsbudsjettet med 5 %.

Knarvik 18.06.2020

Alver idrettsråd

Olav Steinar Namtvedt, leiar Alver idrettsråd